

1861

H O M I L E T I C I.

1862

Anno Domini M^o. CCC. XCVII. obit frater Marcoldus Prior ordinis cruciferorum feria sexta post penthecosten.

— — — CCCC. I. obit frater Hensso de Zwereticz prior Die sancte Agathe virg.

— — — — V. obit Procopius Marchio Die ludmille passionis eius.

— — — — XI. obit Jodocus Marchio Die prisce virginis.

— — — — XIX. obit Rex Wenczeslaus feria quarta post assumptionem beate virginis. Huius temporis orti sunt Hussite in Boemia.

Ad compingendum Codicem utrinque servit Membrana caractere grandi et nitido hebraico non punctato exhibens maximam partem Capp. XXV. et XXVI. Geneseos.

DCCLXXIV.

R. 3120

Codex membraneus lat. Sec. XIV. Folior. 218. 4. caractere crassiusculo exaratus, rubro distinctus et olim *monasterij sancte Dorothee virg. in Vienna est Quadragesimale*, cujus hoc est initium: *Filia populi mei induere cylicio et conspergere cinere. luctum vnigeniti fac tibi. planctum amarum. Jer. VI. Quamuis solempnitas quadragesimalis in sequenti dominica inchoetur. ecclesia tamen hos quatuor dies precedentes addidit. ut quadragenarius numerus impleatur. A prima enim dominica usque ad pascha XLII. dies computantur. de quibus VI. dies dominicales subtrahuntur. solummodo XXXVI. dies ieiunantur &c. Diebus singulis assignati sunt Sermones bini. Quadragesimalibus succedunt Paschales quidam et Dominicales usque*

Denis Codd. Theol. V. II. P. III.

ad Dominicam infra Octav. Ascensionis, tum unus in Aduentu, IV. ad Religiosos, et postremus de S. Antonio Patavino. Ad calcem ante Indicem alphabeticum Rerum minio legitur: *Explicit opus quadragesimale fratris Michaelis finitum per manus Nycolai de Mutba. et completum. Anno domini M^o. CCC^o. XXXIIII^o. In die —.* Reliqua solicite derasa; per ea vero, quae scripta retuli, linea nigra ducta est. Nescio, dicebam mihi, an isthaec non aliquid portendant. Si chronologiae rationem habeas, e notis Sermocinatoribus, qui Michaelis nomine gavisi sunt, nemo in quaestionem venire potest praeter F. Michaelem de Massa O. Erem. S. Aug. Parisiis defunctum a. 1336. et F. Michaelem de Caesena O. S. Franc. Ministrum Gen. quem a. 1343. Monachii mors abstulit. Utrique tribuuntur Sermones a Literatoribus. Cur vero in posteriorem quis inclinet, illud est: nota sunt in eum Ludovico Bav. Imp. adhaerentem Johannis XXII. fulmina. Quid si Rubrica partim derasa, partim linea nigra perfossa signum fit reprobationis illius, tanquam

F

Auto-

1863

C O D I C E S

1864

Autoris damnati? Accedit Sermo de S. Antonio, quem vix Augustiniano prae Franciscano adscribas. — His ita mecum expensis venit in mentem *Quadragesimalis Jacobi de Voragine*, de quo ipse ita in *Chronica sua Januensi*: *Fecit et sermones de omnibus evangelis, quae singulis feriis in quadragesima leguntur — usque ad tertiam feriam post pascha, de quolibet evangelio faciens duos sermones. Istud opus sic incipit: Filia populi mei induere cilicio &c.* Consulo Editiones, et ipsissimum *Quadragesimale* nostrum deprehendo, quod cum imperitus F. *Nicolaus Michaeli* cuidam inscripisset, peritior *Revisor* inscriptioni lineam induxit, quin tamen Autoris genuini nomen reponeret. Atque haec non raro conjecturarum nostrarum fors est. Ceterum Codex in Bohemia exaratus videtur e voce *Mutba*, vulgo *Maut*, quo nomine duo sunt ibidem Oppida. Pro *Mutba* etiam *Mita*, quin et *Mutina* occurrit, quod fortasse Diminutivum est.

DCCLXXV.

U. 576 Codex membraneus lat. Sec. XIV. Folior. 214. 4. per duas columnas luculente perscriptus, rubro distinctus, et quondam *M. Johannis Drossinger*, ita inscribitur: *Incipiunt sermones quadragesimales compilati per fratrum Jacobum de uaragine archiepiscopum Januensem.* Vir hic maxime notus a congeftis SS. *Vitis*, seu *Legenda*, quae successu temporis *Aurea* et *Lombardica* dicta, in plures lin-

guas versa, et ab inventa Typographia multoties excusa fuit, ortu *Ligur* ab oppido patrio *Varagio*, *Varaze*, *Viraze* corrupte faepius adpellatus *de Voragine*, ex Ordine Praed. adsumtus ad *Januenses* infulas obiit a. 1298. Igitur Codex noster ejus tempora prope contingit. De eo ipsemet ita in *Chronico suo Januensi*: *Fecit et sermones de omnibus evangelis, quae in singulis feriis in quadragesima leguntur, scilicet a quarta feria cinerum usque ad tertiam feriam post pascha, de quolibet evangelio faciens duos sermones. Istud opus sic incipit: Filia populi mei induere cilicio.* Addam: et finit: *et beati dominici patris nostri ipse filius dei nos perducatur qui cum patre et spiritu sancto per infinita secula regnat Amen.* Editiones hujus *Quadragesimalis* et alia ad Autorem pertinentia praesto sunt in *Scriptt. Ord. Praed. T. I. p. 454.*

DCCLXXVI.

Codex membraneus lat. Sec. R. 3151 XIV. Folior. nunc 92. 4. partim per duas columnas, partim lineis longis exaratus a diversis, rubro distinctus et olim *Monasterij S. dorothae in Vienna* compilatus est e sequentibus: I. *Sermo Wilbelmi in aduentu primus.* Incipit: *Dies autem appropinquavit &c. Dies iste spiritualiter potest intelligi dies natalis domini &c.* Est igitur Series Sermonum in Epistolas Dominicarum per annum *Guilielmi*, quem Germani passim *Wilhelmum* scribunt, non *Alverni* sive *Ep. Parisien-*